




KONPRENS PASTORAL PLEN



2022 -2027



**KATOLIK BISOP KONFRENS
BILONG PAPUA NEW GUINEA NA SOLOMON ISLANDS**



OL TOK I STAP INSAIT



OL SOTPELA NEM	3
TOK I GO PAS	4
INTRODAKSEN	6
I.1 Spiritualiti bilong plening	
I.2 Evaluesen bilong Pastoral Plen 2015 - 2020	
KONPRENS PASTORAL PLEN	10
Visen	
Misen	
Aim	
PILA 1: YUMI SIOS	10
I wokabaut wantaim na stap holi.	
Pila 2: YUMI SIOS	12
I wokabaut wantaim long autim tok.	
Pila 3: YUMI SIOS	14
I wokabaut wantaim long givim sevis.	
KONKLUSEN	16
GLOSERI	17
APENDIKS	18
I. Monitoring na Evaluesen	18
II. Integresen bilong CPP2	19
III. Pastoral Plen templet	20



Ol sotpela nem	I makim
Abp	Asbisop
AGM	Anuel Jeneral Miting
Bp	Bisop
BCC	Ol Beisik Kristen Komyuniti
BEC	Beisik Eklesiel Komyuniti
BPL	Bisops Pastorel Leta
BKK	Bikpela Kristen Komyuniti
CBCAGM	Katolik Bisops Konfrens Anuel Jeneral Miting
CBCGS	Katolik Bisops Konfrens Jenerel Sekretari
CBCPNGSI	Katolik Bisops Konfrens Papua Niugini & Solomon Ailans
CC	Sentral Komiti
CCDF	Katolik Komyuniti Dvelopmen Fand
CCE	Katolik Katikisim Edukesen
CCHS	Katolik Sios Helt Sevises
CCPNGSI	Katolik Sios Papua Niugini & Solomon Ailans
CEC	Kristen Edukesen Kodineta/s
CES	Katolik Edukesen Sekretari
CNE	Katoik Nius Ivenjalaisesen
CPP 1	Konfrens Pastorel Plen 1
CPP 2	Konfrens Pastorel Plen 2
DPP	Daisisen Pastorel Plen
DTPA	Daisisen Tim bilong pastorel Animeson
EG	<i>Evangelii Gaudium</i>
FFP	Feit Fomesen Progrem
FSV	Famili Seksuel Vailens
FOR	Federesen bilong Relijin
GBV	Jenda Beis Vailens
GoPNG	Gavaman bilong Papua Niugini
HCMA	Holi Cailhud Misinari Asosiet
IHD	Integrel Humen Dvelopmen
LCI	Litejikel Katitikel Insitut
LKK	Liklik Kristen Komyuniti
NE	Niu Ivenjalaisesen
NPP	Nesenel Pastorel Plen
PIME	Pontifikel Insitut bilong Foren Misins
PMS	Pontifikel Misin Sosaiti
PNGSI	Papua Niugini & Solomon Ailans
REC	Relijis Edukesen Kodineta
R&M	Refujis & Maignens Desk
SARV	Soseri Akusasen Relesen Vailens
SOCOM	Sosel Komunikesen Komisin



TOK I GO PAS

Long 2 Desemba 1845 Bp. Epalle, wantaim 7-pela pris na 7-pela bruder bilong Marist Congregation i kamap long San Christobel long Solomon Islands. Ol pipel i kilim Bp. Epalle long 19 Desemba olsem na ol i lusim dispela ples. Long 15 Septemba 1847, Bisop Jean Georges Collomb, SM wantaim ol tripela pris i kamap long Woodlark Island.

Long 8 Oktoba, 1852 ol lain misineri bilong Italian Missionary Institute (PIME) i kamap long Woodlark na Umboi (Siassi) Island. Ol pipel i kilim Blessed John Mazzuconi long Woodlark Island long 25 Septemba, 1855. Ol lain Missionary of the Sacred Heart i kamap long Matupit Island long 29 Septemba 1882. Ol Divine Word Missionary (SVD) i kamap long 13 Ogas 1896 long Alexishafen na statim misin wok long Tumleo Island. Blessed Peter To Rot i kamap martir long 7 Julai 1945 long Rabaul. Olsem na yumi ken tok Katolik Sios long Papua Niugini na Solomon Islands i winim 175 yia nau (1847 – 2022) na i bin kamap long blut bilong ol martir.

Namba tu Vatiken Kaunsil, (11 Oktoba 1962 – 8 Desemba 1965) i bin wanpela bikpela samting tru long 20th Century insait long Katolik Sios na long Wol. Long taim ol Bisop bilong PNG na Solomon Islands i bin kam bek long Vatiken Kaunsil II ol i laik kamapim nupela senis insait long sios. Wanpela Selp Stadi bilong Katolik Sios long PNG (1972 – 75) em Melanesian Institute i go pas long en, i mekim ol Katolik i luksave olsem, “Yumi yet i Sios” (We are Church).

Long 1990 samting, ol daiosis long PNG i bin askim long wanpela Pastoral Plen (NPP). Orait, wanpela Jeneral Asembli bilong Katolik Sios i kamap long Banz long Desemba 2003 na i pinis long Rabaul long Julai 2004. Dispela namba wan Asembli i pasim tok long kamapim Pastoral Plen bilong PNG (2006-2010) wantaim het tok “Yumi I Sios I Stap Laip Long Krai”.

Namba tu Jeneral Asembli bilong Katolik Sios wantaim Solomon Islands i bin kamap long Divine Word University, Madang long 5 -11 Novemba 2013. Dispela bung i kamapim Konprens Pastoral Plen (CPP1) bilong PNG na Solomon Islands (2015-2020) wantaim het tok “Go Tokim Olgeta Manmeri”.

Evaluesen bilong Konprens Pastoral Plen (CPP1) em ol grup na daiosis i bin mekim. Ol i bringim ol dispela evaluesen long Namba tri Jeneral Asembli bilong Katolik Sios i bin kamap long 21-26 Epril 2022, long Mingende, Kundiawa Daiosis. Het tok bilong bung em “Sol na Lait” (Mat 5:13-16) na 111 pipel i bin kamap long dispela Asembli. Tripela astingting bilong bung em long:

- 1 - Selebretim Katolik Bilip
- 2 - Toktok long 5 yia Konprens Pastoral Plen
- 3 - Serim eksperiens bilong Wokabaut Wantaim, em Papa Santu Pop Francis i bin askim.

Ol i kamapim wanpela draf Konprens Pastoral Plen (CPP2) long pinis bilong dispela Asembli. Ol i makim wanpela Fomulesen Komiti long pinisim dispela wok bilong kamapim CPP2.



TOK I GO PAS

Konsaltesen bilong dispela draf CPP2 i kamap long AGM bilong ol Bisop long (26 Epril – 3 Me 2022); Sentral Komiti (19 Julai, 2022) na long wanpela woksop bilong ol Bisop, ol Vika Jeneral na Pastoral Vika (15 – 19 Ogas 2022). Fomulesen Komiti i glasim ol dispela tingting na kamapim fainal ripot bilong Konprens Pastoral Plen 2 (CPP2).

Visen o driman bilong CPP2 em “Yumi, Katolik Sios bilong PNGSI i stap laip long Kraus, witnesim Laikim Pasin bilong God na Wokabaut Wantaim olsem Sol na Lait bilong Wol.” Dispela i bihainim het tok bilong Namba tri Jeneral Asembli i bin kamap long Mingende long 21 – 26 Epril 2022. Long 30 Septemba 2022, ol Bisop bilong PNGSI i wanbel na givim tok orait long Konprens Pastoral Plen 2022 – 2027 (CPP2).

Mipela i laik olgeta Bisop, ol Pris, ol Relijes, ol Komisin Seketeri, ol Lei Lida na olgeta bilipman na meri bilong Katolik Sios long Papua New Guinea na Solomon Islands i putim CPP2 i go insait long ol pastoral plen bilong ol yet. Yumi olgeta i mas kamap Sol na Lait bilong wol, i no long pepa tasol, long pasin bilong yumi, wantaim stia bilong Holi Spirit.

“Wanpela taun i stap antap long maunten, em i no inap hait.” (Mat 5:14)

Abp. Anton Bal
President of CBC-PNGSI

Bp. Dariusz Kaluza MSF
Chairman, CPP

Fr. Victor Roche SVD
Secretary for New Evangelisation





1.1 SPIRITUALITI BILONG PLENING

Dispela wokabaut bilong yumi i bin stat wantaim ol aposel, na bihain ol namba wan misineri na tude yumi skruim i go yet. Dispela wokabaut em Tok bilong God na Skul bilong Katolik Sios i stiaim, na i mas stap long laip bilong olgeta pipel oltaim, long wanem kain sindaun bilong ol na ol ples ol i stap long en.

Pastoral Plen em i wokabaut bilong yumi, wantaim Kraiss husat i stap wantaim yumi long winim dispela driman, misin, gol na pasin. Em i stiaim yumi long bihainim pasin bilong Em long ol plen bilong yumi long taim yumi wokabaut wantaim.

Dispela visen long kamap Sol bilong graun na Lait bilong wol i kam long ol toktok bilong Kraiss (Mat 5:13-16). Wantaim dispela stia tok, yumi klia long we yumi laik go, na wanem samting yumi bai mekim long taim yumi kamap long dispela hap. Dispela visen i bilong wan wan bilip manmeri, ol famili, Besik Kristen Komyuniti, ministri grup, Peris na Daiosis. Olsem na yumi wokabaut wantaim long spirit bilong Sinodaliti – komyunion, patisipesen na misin.

Ol tripela Pila long plen bilong yumi em: Sios i Holi, Sios i Tokaut na Sios i Sevim. Ol i pas long wok bilong yumi long baptismo we yumi kamap olsem pris, profet na king wantaim misin bilong kamap sol bilong graun na lait bilong wol.

Baibel i soim olsem histori bilong salvesen i kamap long Jisas Kraiss tasol. Ol stori bilong Kraiss long Olpela Testamen i karim kaikai long Nupela Testamen. Baibel i soim wanpela ‘divain plen’ long taim God i wokim kamap graun. Yumi baptais na yumi ol manmeri i “piksa” bilong God. Jisas em i “Divain Plena” na yumi em ol ‘Ko-plena’. God i yusim yumi long kamapim plen bilong em.

Olsem na em i no singautim yumi long stap tasol olsem ol Kristen husat i bihainim plen bilong God, nogat. Yumi mas kamap ol strongpela Kristen husat i bringim Kraiss i go long olgeta kona bilong graun, long pasin bilong yumi.





1.2 EVALUESEN BILONG PASTORAL PLEN 2015-2020

Evaluesen o wok bilong skelim Konprens Pastoral Plen bilong PNGSI 2015-2020 em ol pipel bilong ol daiosis i bin mekim. Risal bilong dispela evaluesen i mekim klia olsem Namba tri Jeneral Asembli i kamap referens poin bilong dispela nupela Konprens Pastoral Plen.

Dispela evaluesen i givim daireksen long gohet olsem Sios i Stap Laip long Krai, i stap holi, i tokaut na i sevim ol pipel long pasin bilong Sinodaliti. Strong bilong yumi i soim kaikai bilong wok, pasin na bilip bilong yumi long wok evenjelaisesen. Yumi luksave na strongim ol dispela long helpim yumi long dispela pilgrim wokabaut bilong yumi. Ol salens i soim ol hevi i stap nau we yumi yet olsem Sios, i mas stretim. Ol i kamap ol pastoral hevi bilong yumi tude. Yumi wanbel long karim ol dispela salens wantaim daun pasin long gro na kamapim nupela senis long Kristen laip bilong yumi.

Situesen bilong yumi long dispela Evaluesen i singaut long nupela spirit, strong na apim pasin bilong soim bilip bilong yumi. Em i singaut tu long ol nupela kain pasin bilong autim Gutnius tude (Nupela Evenjelaisesen). Ol lain i bin kamap long dispela Jeneral Asembli i wanbel long putim ol pikinini, studen na ol yut i go pas na long strongim bilip bilong ol long Katolik Sios insait long dispela Konprens Pastoral Plen.

1.2.1 Ol strong

Tude, we planti senis i wok long kamap hariap tru long sosaiti, kalsa na sios, Katolik Sios bilong PNGSI i stap laip yet long Krai bikos long ol dispela strongpela pasin:

- 1.2.1.1 Planti daiosis i kamapim ol pastoral plen we i bihainim visen na misin bilong Konprens Pastoral Plen.
- 1.2.1.2 Wok bilong evanjelaisesen i wok long karim kaikai we ol nupela memba i baptais na kam insait long sios.
- 1.2.1.3 Planti ol konsekrete relijes na lei pipel i mekim komitmen long givim servis long Sios.
- 1.2.1.4 I gat ol grup i ogenais gut, ol lei muvmen, asosiet na spiritual grup i mekim wok bilong ol.
- 1.2.1.5 Planti pipel i kisim ol sakramen na ol selebresen bilong liteji i gat laip na mining.
- 1.2.1.6 Sios i wok long promotim na soim pasin bilong stap na wok wantaim na strongim ol komyuniti, na moa yet, long ol famili na BCC.



- 1.2.1.7 Sios i helpim ol komyuniti long kisim jastis na sapotim pasin bilong kamapim bel isi long wok bilong Caritas, opis bilong Child Protection na stopim pasin bilong SARV.
- 1.2.1.8 Planti Katolik manmeri i pas wantaim sios long wok bilong en na ol arapela helpim Sios i givim long kamapim gut laip bilong ol.
- 1.2.1.9 Pasin bilong komyuniti long putim yau na harim, toktok wantaim na soim rispek, i stap strong yet long ol Kristen komyuniti.

1.2.2 Ol Salens

Long taim yumi traim long bihainim Tok Bilong God, Katolik laip, ol ples na program, yumi save bungim planti hevi bilong sosel, spirituel na iekonomik salens. Sampela bilong ol dispela salens em hia:

- 1.2.2.1. Pundaun long ol samting bilong graun, planti pipel i mangalim ol bilong samting bilong graun na givim baksait long God, bilip na Kristen laip.
- 1.2.2.2. Planti Katolik i paul long salens i kam ol arapela Kristen lotu i egensim Katolik bilip. Planti i sanap strong long bilip tasol sampela i no inap bikos ol i no klia tumas. Bikos long dispela hevi, ol i lusim Sios.
- 1.2.2.3. I gat salens yet long bungim bilip bilong tumbuna, kastam na ol pasin wantaim bilip long Tok bilong God.
- 1.2.2.4. Planti pipel tude na ol Kristen tu i bilip yet long ol pasin nogut bilong tumbuna olsem posin, sanguma na ol kain pasin olsem.
- 1.2.2.5. Planti yut, i stap olsem ol luslain na pasin bilong pret i bosim laip bilong ol. I gat tu ol pasin bilong kalt i kamap long ol skul.
- 1.2.2.6. Famili laip i brukaun. I gat planti singel papamama, ol yangpela skul meri i gat bel, ol manmeri i no kisim Sakramen bilong Marit.
- 1.2.2.7. I gat moa pasin bilong vailens, famili seksuel vailens (FSV), jenda beis vailens (GBV) Soseri Akiusesen Riletet Vailens (SARV) na ol kain kain abius na pasin nogut long ol pikininini.
- 1.2.2.8. Sampela pris i bungim hevi long laip bilong ol.



- 1.2.2.9. Korapsen i stap long politiks na sivil sosaiti, na sampela taim tu, long Sios.
- 1.2.2.10. I no gat disiplin na pasin bilong Katolik bilip i lus long ol Katolik institusen, na skul.

1.2.3 Ol resolusen

Hia em sampela rot bilong strongim ol gutpela pasin na stretim ol salens:

- 1.2.3.1. Painim ol nupela wei bilong tokaut long Gutnius tude, kain olsem long sanap long strit na autim tok.
- 1.2.3.2. Kamapim ol arapela nupela rot bilong strongim bilip na skul bilong ol sakramen, liteji, na Skul bilong Katolik Sios long level bilong ol famili na BCC.
- 1.2.3.3. Givim skul oltaim long ol Katekis na pastoral woka na ol lain husat i mekim wok bilong ol arapela ministri. (Planti bilong ol i no klia long skul bilong sios, tioloji, Baibel na ol arapela.)
- 1.2.3.4. Strongim wokbung wantaim ol arapela Kristen sios na relijen.
- 1.2.3.5. Kamapim gut wok namel long ol CBC Komisin na daiosis na bai ol i ken wok gut wantaim.
- 1.2.3.6. Bringim moa lei pipel, na moa yet ol meri, long toktok na wokim ol disisen.
- 1.2.3.7. Strongim ol straksa bilong daiosis na peris long komyunikesen na wok wantaim.
- 1.2.3.8. Ogenaisim na strongim Grup bilong ol Man na Yut Ministri.
- 1.2.3.9. Givim moa trening long redim gut ol homili bilong pris na ol katekis.
- 1.2.3.10. Tok save long olgeta pipel long daiosis long Daiosis Pastoral Plen na we em i wok bung wantaim Konprens Pastoral Plen.
- 1.2.3.11. Olgeta Katolik long olgeta level bilong pastoral ministri i mas promotim jastis, rispek, bel isi na lukautim olgeta samting long envairomen.
- 1.2.3.12. Ogenaisim moa Baibel semina na ol ritrit long helpim ol pipel i bungim Jisas na kamap holi.





KONPRENS PASTORAL PLEN 2 2022-2027

2

VISEN

Mipela, Katolik Sios bilong PNGSI i stap laip long Krai, i witnes long laikim pasin bilong God na i wokabaut olsem Sol na Lait long wol.

MISIN

Papa i singautim mipela, Jisas i salim mipela na Holi Spirit i stiaim mipela long promotim kingdom bilong God long:

- 2.2.1. witnesim Gutnius bilong Jisas Krai long Spirituel, Sosel, na Ikonmik laip bilong ol pipel bilong PNGSI.
- 2.2.2. strongim pasin bilong gro na kamap holi.
- 2.2.3. bringim moa pipel i kam insait long misin bilong Sios na sosaiti na senisim wol long laikim pasin bilong Krai long Komyunion, Patisipesen na Misin.

AIM

Long pinis bilong 2027, ol Katolik bilong PNGSI na o ol gutpela manmeri bai i stap wantaim, wok bung wantaim, na mekim wok misin olsem sol na lait bilong wol.

(Mat 5:13-16) insait long famili, ol Liklik Kristen Komyuniti, Peris, Daiosis na i bungim Jisas Krai insait long ol Sakramen, Tok bilong God, Katekisim na ol Sosel Skul bilong Katolik Sios.

PILA 1: YUMI SIOS I WOKABAUT WANTAIM NA STAP HOLI

3

Yumi i sios, i stap holi long laip na promotim komyunion na spiritueliti olsem laip bilong sios. Singaut bilong stap Holi i kam long taim yumi i Baptais. "Yupela i mas stap Holi, long wanem mi God bilong yupela, mi stap holi." (1 Pet 1:16)

3.1 TOK KLIA

"Taim God i no mekim graun i kamap yet, em i makim yumi pinis long pas wantaim Krai, bai yumi ken stap holi. Bai yumi ken stap strongpela manmeri na i no gat asua long ai bilong en. (Eph.1:4)

Yumi mas stap holi (Lev 19.2, 1 Pita 1:16) wankain olsem God Tri Wan husat i holi bikos long spiritueliti bilong komyunion olsem wanpela wei long laip bilong Sios.

Long Mat 5:8 Jisas i tok, "Ol manmeri bel bilong ol i klin, em ol i ken amamas. Bai ol i lukim God." Na Santu Paul i pre long ol Tesalonaika (1 Thes.5:23-24) "God em i as bilong bel isi, em i ken mekim yupela i givim laip bilong yupela olgeta long em, na mekim yupela i kamap holi olgeta. Na em i ken lukautim gut spirit na tewel na bodi bilong yupela, bai yupela i stap gutpela olgeta. Na bai yupela i no gat asua long taim Bikpela bilong yumi Jisas Krai em i kam bek." God i bin singautim yu na bai em i no inap givim baksait long yu."





Long Jon. 2:13-16 yumi harim Jisas i raunim ol man i wok bisnis long haus lotu na i tok “Kisim ol samting bilong yupela i go. Yupela i no ken mekim haus bilong Papa bilong mi i kamap olsem haus bilong maket!” Ol disaipel bilong en i lukim dispela pasin em i mekim na ol i tingim wanpela tok i stap long buk bilong God. Dispela tok i olsem, “Mi laikim tru haus bilong yu, olsem na mi wok strong long mekim dispela haus i stap gut.”

Yumi tu i mas tingim bodi bilong yumi, Sios, em i haus bilong Holi Spirit na bodi i mas stap klin na holi. (1 Cor 6:19)

Namba wan wok bilong man em long stap Holi oltaim. (Gaudete et Exultate, Rejoice and be glad – par 10)

3.2 GOL: BUNGIM JISAS KRAIS INSAIT LONG SIOS

3.2.1. Objektiv 1: Liteji na ol Sakramen em ol rot bilong bungim Jisas Kraiss.

3.2.1.1. Ol Strateji

- 3.2.1.1.1. Strongim ol selebresen na stap insait long Liteji na Yukaris long ol peris.
- 3.2.1.1.2. Promotim vokesen bilong kamap pris na konsekretet relijes long ol peris.
- 3.2.1.1.3. Promotim Sakramen bilong Marit long ol peris.
- 3.2.1.1.4. Givim moa skul bilong ol Sakramen.
- 3.2.1.1.5. Traim long kisim Sakramen bilong Komunio na Konpesio oltaim.
- 3.2.1.1.6. Ogenaisim selebresen bilong Sakramen bilong Konfermasio long ol peris.
- 3.2.1.1.7. Ogenaisim moa selebresen bilong Anointim ol Sikman na meri long ol peris.
- 3.2.1.1.8. Wokim program bilong Yukaristik adoresen na benediksen.

3.2.2. Objektiv: Gro long Bilip long ol ministri program

3.2.2.1. Ol Strateji

- 3.2.2.1.1. Stap insait long ol daiosis na peris ministri ritrit.
- 3.2.2.1.2. Promotim ol spiritual na material inisitiv long ol peris.
- 3.2.2.1.3. Kirapim ol Karismetik Rinuel program long daiosis.
- 3.2.2.1.4. Kirapim gen na strongim Papa Grup ministri.
- 3.2.2.1.5. Strongim Nesenel Katolik Konprens bilong ol Man.
- 3.2.2.1.6. Kirapim na strongim ol Wimens Grup.
- 3.2.2.1.7. Kirapim program bilong stiaim ol yut.
- 3.2.2.1.8. Kamapim ol ektiv Sande Skul long ol peris.
- 3.2.2.1.9. Kirapim ol ministri bilong ol pikinini long ol peris.
- 3.2.2.1.10. Ogenaisim program bilong ol Ministran.





3.2.3 Objektiv 3: Ol Lei Divosenel Grup na Program bilong ol

3.2.3.1 Ol Strateji

- 3.2.3.1.1. Developim ol Polisi na Rul bilong olgeta lei divosenel grup na lei asosiesen.
- 3.2.3.1.2. Kamapim Profail na Dairektori (database) bilong olgeta ministri na ol minista.
- 3.2.3.1.3. Ogenaisim Yukaris selebresen bilong ol divosenel grup na lei asosiesen.
- 3.2.3.1.4. Promotim ol Misineri Pikinini (Holi Pikinini) ministri long ol Katolik skul na peris.
- 3.2.3.1.5. Makim wanpela pris o konsekreret relijes olsem spiritual dairekta bilong ol lei asosiesen.

3.2.4 Objektiv 4: Jisas Krai i stap insait long wan wan famili

3.2.4.1 Ol Strateji

- 3.2.4.1.1. Kamapim na holim ol famili laip kos bilong ol papamama na ol pikinini.
- 3.2.4.1.2. Promotim famili pre, Baibel stadi na refleksen long ol famili.
- 3.2.4.1.3. Strongim famili laip long ol ritrit.
- 3.2.4.1.4. Givim stia na helpim ol singel papamama, na lo bilong sios long ol lain husat i gat hevi long marit laip bilong ol.

3.2.5 Objektiv 5: Strongim Bilip bilong ol yangpela Katolik

3.2.5.1. Ol Strateji

- 3.2.5.1.1. Glasim na mekim senis long ol skul RE karikulum bilong ol studen long olgeta level.
- 3.2.5.1.2. Kamapim fomesen program bilong ol yut grup/afilietet yut grup bilong ol studen na ol pikinini husat i lusim skul.

PILA 2 : YUMI SIOS I WOKABAUT WANTAIM LONG AUTIM TOK

4

Yumi i Sios i yusim ol nupela rot bilong autim tok bilong God.

4.1 TOK KLIA

“Yupela i mas go mekim olgeta lain manmeri i kamap disaipel bilong mi. Na yupela i baptaisim ol long nem bilong Papa na Pikinini na Holi Spirit. Na yupela i lainim ol long bihainim olgeta tok mi bin givim long yupela. Harim. Mi save stap wantaim yupela olgeta de, i go inap long dispela taim i pinis.” (Mat.28: 19-20)

Long Luk 4:18-19 Jisas i tok, “Spirit bilong Bikpela i kam stap long mi, long wanem, Bikpela yet i kapsaitim wel long het bilong mi long go bringim gutpela tok bilong mi long ol rabisman. Na em i salim mi long tokaut long ol man i stap long kalabus long ol i ken lusim kalabus na i go fri, na long tokaut long ol man i aipas long ol i ken lukluk gen. Em i salim mi kam long pinisim hevi bilong ol man ol arapela i wok long daunim na mekim nogut long ol. Na em mi salim mi long tokaut olsem, taim i kamap pinis bilong Bikpela i laik mekim gut long ol manmeri bilong em.”

Pop Francis i tok “Amamas long Tok Bilong God, i kamap long taim yumi bungim Jisas. Yumi no ken pret long mekim asua na bihainim ol nupela rot” – *Evangelii Gaudium (the joy of the Gospel)*.

“Yupela i mas go long olgeta hap bilong graun na autim Gutnius long olgeta man.” (Mark 16:15)
Yumi autim Gutnius long ivenjelaisesen na skul bilong Sios long strongim bilip bilong yumi wan wan.



4.2 GOL: WITNES TRU LONG LAIKIM PASIN NA LAIT BILONG KRAIS I GO LONG OLGETA

4.2.1 Objektiv 1: Ol Lei manmeri i tisa bilong Bilip

4.2.1.1. Ol Strateji

- 4.2.1.1.1. Askim ol lei manmeri i kam long tioloji na Baibel trening kos.
- 4.2.1.1.2. Makim ol lei manmeri long go long ol tioloji na spirituel kos.

4.2.2 Objektiv 2: Katolik Ivenjelis i redi na i go mekim wok

4.2.2.1. Ol Strateji

- 4.2.2.1.1. Painim na givim trening long ol Katolik ivenjelis, ol pater na ol lei manmeri.
- 4.2.2.1.2. Givim trening na stia long ol Katolik long go sanap long strit na autim Gutnius.
- 4.2.2.1.3. Kamapim Ministri bilong Autim Tok long daiosis.
- 4.2.2.1.4. Komisin bilong Katolik Nupela Ivenjelaisesen bai i stiaim wok bilong ivenjelaisesen.

4.2.3 Objektiv 3: Ol Pikinini, Studen na Yut i kisim strong long wok bilong nupela ivenjelaisesen

4.2.3.1 Ol Strateji

- 4.2.3.1.1. Kisim ol papamama long givim trening long ol pikinini long Katolik bilip.
- 4.2.3.1.2. Kamapim ol nupela wei bilong skulim ol pikinini long ol peris na ol skul.
- 4.2.3.1.3. Kamapim na givim trening long ol studen long Katolik bilip long ol peris na skul.
- 4.2.3.1.4. Kamapim ol gutpela program bilong ol yut long peris.

4.2.4 Objektiv 4: Tokaut long Jisas husat i dai, i kirap gen na i stap laip long Sios

4.2.4.1 Ol Strateji

- 4.2.4.1.1. Pastaim long go autim tok, ol nupela ivenjelis i mas bungim Kraiss.
- 4.2.4.1.2. Painim na sapotim ol trena bilong Nupela Ivenjelaisesen na Kerygma kos.
- 4.2.4.1.3. Developim ol sotpela Kerygma fomsen program long strongim bilip bilong ol pipel long ol peris grup na komyuniti.
- 4.2.4.1.4. Daiosis na peris i mas kisim ol lida husat i kisim trening pinis long straksa na program bilong ol.

4.2.5 Objektiv 5: Kamapim sans bilong wok bung wantaim ol arapela relijen

4.2.5.1 Ol Strateji

- 4.2.5.2.1. Kamapim ol program bilong pomotim Ekumenisim o wok bung wantaim ol arapela sios, insait long daiosis na peris.
- 4.2.5.2.2. Bung wantaim ol gutpela manmeri bilong ol arapela sios na relijen long luksave long Integrel Human Developmen (IHD) o ol pasin bilong kamapim gutpela sindaun long ol komyuniti.



5

PILA3: YUMI SIOS I WOKABAUT WANTAIM LONG GIVIM SEVIS

Yumi i Sios i mekim wok bilong Jisas Krais long helpim ol manmeri i sot tru long samting.

5.1 TOK KLIA - Long Lait bilong Gutnius na Skul bilong Sios

“Orait yupela olgeta i stap bodi bilong Krais. Na yupela wan wan i stap hap bilong bodi bilong em.” (1 Cor. 12:27)

Long Luk 22:27 Jisas i tok “Mi stap namel long yupela olsem wokman bilong helpim yupela.” Na em i tok gen, “Bikman bilong yupela em i mas stap wokman bilong yupela.” (Mat 23:11) St Peter long 1 Peter. 4:10 i tok, “God i givim ol kain kain presen long yupela. Olsem na yupela i mas stap gutpela wokboi bilong God na yusim ol dispela presen bilong helpim ol arapela manmeri bilong God.”

Santu Paul i wok long strongim yumi long 1 Cor.12:4-11 taim em i tok, “I gat ol kain kain presen bilong Holi Spirit, tasol i gat wanpela Spirit tasol i stap. Yumi mekim kain kain wok bilong Bikpela, tasol i gat wanpela Bikpela tasol i stap. I gat kain kain pasin bilong mekim wok, tasol i gat wanpela God tasol i givim strong long mekim ol dispela wok.”

“Synodality represents the main road for the Church, called to renew herself under the action of the Spirit and by listening to the Word. The ability to imagine a different future for the Church and her institutions, in keeping with the mission she has received, depends largely on the decision to initiate processes of listening, dialogue, and community discernment, in which each and every person can participate and contribute”. (Preparatory Document, 9- “For a Synodal Church: Communion, Participation and Mission”)

Sinodaliti i makim nupela rot bilong Sios, i harim singaut bilong kamapim ol senis long stia bilong Spirit na long Tok bilong God. Lukluk i gohet long wanem kain Sios na ol institusen bilong en bai stap long bihain taim, we i mekim ol wok bilong en, i hangamap long dispela disisen long statim wok bilong putim yau na harim, paitim toktok na kisim tingting bilong ol komyuniti, we wan wan manmeri i gat sans long mekim kontribusen bilong en.” (Preparatory Document, 9 – “For a Synodal Church: Communion, Participation and Mission”)

5.2 GOL: WOKABAUT WANTAIM LONG SINODALITI LONG DIVELOPIM, PROMOTIM NA PROTEKTIM LAIP BILONG MANMERI

5.2.1. Objektiv 1: Olgeta komisin bilong CBC na olgeta daiosis i gat Faiv Yia Stratejik Plen i bihainim CPP2.

5.2.1. 1 Ol Strateji

- 5.2.1.1.1. Olgeta komisin bilong CBC na olgeta daiosis bai i putim CPP2 insait long Faiv Yia Stratejik (o Pastoral) Plen bilong ol.
- 5.2.1.1.2. Implementesen Tim bilong CPP2 bai helpim ol komisisin na daiosis husat i nidim helpim.
- 5.2.1.1.3. Kontrak bilong olgeta CBC komisin seketeriat na ol wokman na meri, i mas gat dispela hap tok: “Save gut, klia gut na bihainim stret ol wok bilong kamapim Konprens Pastoral Plen.”



5.2.2. Objektiv 2: OI Sevis i mas kamap long divelopim, promotim na protekim laip bilong ol manmeri.

5.2.2.1 OI Strateji

- 5.2.2.1.1. OI CBC Komisn long Nesenel Opis na Daiosisen opis i wokbung wantaim na toktok i go i kam long givim ol dispela sevis.

5.2.3 Objektiv 3: Yumi wokabaut wantaim long Komyunion, Patisipesen na Misin

5.2.3.1. OI Strateji

- 5.2.3.1.1. Bihainim yet pasin bilong putim yau na harim, paitim toktok na kisim tingting bilong komyuniti we olgeta manmeri i ken kontribut.
- 5.2.3.1.2. Yumi wokabaut wantaim na lainim long wanpela narapela na kamapim ol gutpela rot bilong opim tingting, na lewa na strongim han bilong yumi.

Tok save: Long Apendiks Tri bai yu painim sotpela stori bilong wok bilong ol Komisn bilong CBC na we ol i fit insait long Konprens Pastoral Plen.



KONKLUSEN

Long taim mipela i bin bung toktok long dispela plen, mipela i luksave olsem long taim Sios bilong PNGSI i wok long gro i gat ol salens tu i stap.

Pasin bilong autim tingting na paitim toktok long dispela taim, i strongim mipela long mekim komitmen long bungim ol dispela salens long spirit bilong Sinodaliti.

Mipela i laik lukim moa patisipesen, na yusim ol save na talent bilong ol Katolik bilip manmeri long mekim ol i luksave olsem ol i ektiv memba bilong Sios / *Stap Laip long Krai*.

Yumi wokabaut wantaim we i gat tras na konfidens long Jisas Krai Bikpela bilong yumi long spirit bilong komyunion long winim ol dispela gol bilong yumi.

Yumi mas kamap sol bilong graun na lait bilong wol na gohet yet long autim na bihainim Gutnius long spirituel, sosel, politikel na iekonomik laip bilong yumi.

Maria, Mama bilong Sios na Sta bilong Nupela Ivenjelaisesen, pre long mipela!



GLOSERI

Aim	Bikpela pastoral developmen em Konprens Pastoral Plen i laik kamapim (ol i save glasim long pinis bilong plen).
Visen	Driman bilong ol bilip manmeri na ol manmeri husat i gat gutpela tingting, long Sios bilong Papua New Guinea na Solomon Islands i lukim olsem i gutpela Kristen Laip.
Misin	Dispela em wanem samting ol bilip manmeri na ol manmeri husat i gat gutpela tingting, long Sios long Papua New Guinea na Solomon Islands i wok long mekim long laip bilong ol long kamapim dispela driman.
Gol	Ol senis i kamap bikos long taim yumi winim ol objektiv.
Objektiv	Ol risal o kaikai bilong gutpela implementesen bilong ol strateji.
Oi Pila	Ol eria we ol ministri bilong Sios bai lukluk long en.
Evaluosen	Proses bilong glasim na skelim wanpela plen o program. Bai i gat wok bilong bungim na skelim infomesen long ol ektiviti bilong program, ol samting i stap olsem wanem na wanem kain kaikai i kamap long dispela program.





APENDIKS

I

Monitoring na Evaluesen Fom Konprens Pastoral Plen 2 2022-2027

CPP2 Evaluesen Sevei

Daiosis	
Komisin	
Grup	

Dispela Konprens Pastoral Plen 2 (2022 – 2027) Evaluesen Sevei em i evaluesen bilong CPP2 Plen i wok long kamap nau. Evaluesen proses long dispela Sevei Fom bilong ol Daiosis/Komisin/Grup i bilong kisim ol tingting na rispons.

1. Makim 2-5 Ol gutpela bilong Konprens Pastoral Plen (2022 -2027):

2. Makim 2-5 Ol salens bilong Konprens Pastoral Plen (2022 – 2027):

3. Yu bin putim CPP2 (2022-2027) insait long Daisis/Komisin/Grup Plen bilong yu olsem wanem?

4. Long bihain taim bai yu putim CPP2 (2022-2027) insait long Daiosis/Komisin/Grup Plen bilong yu olsem wanem?

Plis raitim sotpela na klia toktok.
Tenkyu

INTEGRESEN BILONG CPP2

Dispela em sampela samting yu ken bungim wantaim CPP2

1. Konprens Pastoral Plen 2 em i olsem stia bilong kamapim Daiosis Plen. Kisim wanem samting i orait long Daiosis, Peris o Grup na kamapim plen bilong yu.
2. Bringim planti pipel long kamapim dispela plen we bai bihainim tingting na laik bilong ol pipel na Bisop.
3. I mas gat wanpela straksa long Daiosis, peris o grup long plening, implementesen na Evaluesen. Em i ken wanpela Daiosis Tim bilong Pastoral Enimesen (DTPA) o wanpela kain straksa olsem.
4. Ol save lain i ken kamapim plen. Tasol plen i mas isi long ol pipel i kisim na bihainim.
5. Ol daiosis husat i gat pastoral plan, i ken putim CPP2 we ol i laik.
6. Ol daiosis husat i no gat Daiosis Pastoral Plen i ken lukim CPP2 na putim wantaim plen bilong ol.
7. Ol sios lida i mas serim save bilong ol na kamapim gutpela wokbung wantaim pipel long mekm plen i kamap gut.
8. Luksave long wanem kain hevi i ken kamap; ples i stap olsem wanem, kain kain tok ples na kalsa, level bilong edukesen, ol mani lain o grasrut, ol pipel i ektiv long sios o nogat, skelim ol neturel disasta na taim bilong san na ren long dispela daiosis.
9. Luksave long ol salens long eria bilong Bilip long olgeta hap bilong Daiosis.
10. Kamapim gutpela wokbung namel long Daiosis, Peris, BCC, BEC, LKK na BKK.
11. Yumi olgeta i gat wok long lukim olsem olgeta pipel i save long dispela plen.
12. "Husat i feil long plen, i plen long feil."

PASTORAL PLEN TEMPLET
Konprens Pastoral Plen 2
2022 -2027

Daiosis	
Peris	
Komisin	
Grup	

Dispela templet i olsem stia bilong helpim daiosis o peris o komisim o ol faith-base grup i raitim pastoral plen bilong ol, em i laik bilong ol long mekim o nogat. Tasol pastoral plen bilong ol i maran gut wantaim Konprens Pastoral Plen 2 (CPP2).

GRITINGS

(Gritings bilong Bisop i go long ol pipel)

Dia _____

NEM BILONG BISOP

VISEN NA MISIN

(Visen na misin bilong daiosis/peris/komisin/ministri grup etc..)

PILA 1. Bai yumi mekim wanem wantaim olsem wanpela daiosis/peris/komisin/ministri grup long gro na stap olsem Ol Pipel Bilong God?

1.1 . Bai yumi bungim tru Jisas Kraus olsem wanem long Liteji na ol Sakramen?

1.2 Wanem ol ektiviti bai inap long helpim yumi long:

- gro long bilip
 - bungim Jisas Krai long famili bilong yumi.
 - strongim wok bilong ol leiti.
 - helpim Kristen fomesen na developmen bilong ol yangpela Katolik.
-
-
-

PILLAR 2. Bai yumi mekim wanem wantaim olsem wanpela daiosis/peris/komisin/ ministri grup long tokaut na witnes long Gutnius?

2.1 Olsem wanem bai ol lei manmeri i kamap tisa long Bilip bilong Katolik Sios?

2.2 Wanem ol ektiviti bai helpim yumi long tokaut na witnes long Gutnius bilong Jisas Krai?

- Skulim na salim ol Katolik Evanjelis
 - ol pikinini, studen na yut i kisim skul bilong autim tok
-
-
-

PILLAR 3. What can we do together as a diocese/parish/commission/ministry group to living our faith in service of others?

3.1 Olsem wanem bai yumi developim, promotim na protektim laip bilong manmeri?

3.2 Olsem wanem bai yumi developim, promotim na stap strong long Spirit bilong Sinodaliti?

Katolik Bisops Konfrens PNGSI Konfrens Pastoral Plen 2 2022 - 2027

